

Saopćenje za javnost iz Kabineta predsjedavajućeg Predsjedništva BiH Bakira Izetbegovića
27.6.2014 0:00:00

Kabinet predsjedavajućeg Predsjedništva BiH najoštrije osuđuje rasističke izjave i prijetnje Milorada Dodika upućene Bakiru Izetbegoviću, nakon njegove posjete Doboju i polaganja kamena temeljca za izgradnju fabrike za preradu voća i povrća, azerbejdžansku investiciju vrijednu 40 miliona evra, koja će značiti posao i egzistenciju za hiljade ljudi u ovom dijelu BiH.

Predsjedniku entiteta RS poručujemo da predsjedavajući Izetbegović ne namjerava i neće tražiti bilo kakve dozvole za posjetu bilo kojem dijelu države Bosne i Hercegovine. Putovat će diljem BiH slobodno i s entuzijazmom, pogotovo kad donosi vrijedne investicije iz svijeta, kao što je to bio slučaj jučer u Doboju.

Jasno je zašto je Dodik ignorisao jučerašnju svečanost u Doboju koja donosi dobrobit svim stanovnicima ovoga grada. On o tome brine samo za one općine u kojima vlada njegova partija. Predsjedavajući Izetbegović jučer je u obraćanju na ceremoniji u Doboju još jednom pozvao na politiku dogovaranja i saradnje, a ne svađe, podjela, provokacija i dizanja međunarodnih tenzija. Nažalost, Milorad Dodik i ovom svojom nervoznom reakcijom pokazuje da je on isključivo inicijator konflikta i svađe, te da svojim potezima najviše štete nanosi upravo onima čije interese navodno štiti i zastupa.